

蘇州府志

(乾隆)

一三

蘇州府志卷第七十一

列女四

常熟縣

宋

周虎母何氏虎知和州金人來攻母率媳與孫誓以死守虎背

城三十四戰敵乃却母進封永國太夫人語具虎傳

縣志載初封感

義郡太夫人誥詞有云慈親白髮共誓丹心以春秋九十之高相爲督戰無首鼠二三之志迄有成功

元

齊億妻邱氏名端一父子淵家東始

村名

贅億爲壻億早世端一

守節靡他元季張士誠入境掠及子淵宅呵叱索金子淵不

列女四

屈而死端一驚走不得脫帥見其姿美欲逼污之端一大罵
曰強賊汝殺我父又欲辱我耶我死卽訴於上帝遂投急流
中死時至正十七年也姪孫泰和縣丞邱方有傳

龔立
本志

錢珍妻顧淑清貴之女元末之亂珍舉家欲往避江陰時珍前
妻遺子友安淑清生子虎俱在襁褓行至強家灣力不能全
乃謂珍曰長子不可棄遂棄虎抱友安得入城七日兵退而
歸人方之魯義姑後生子友仁友義皆成立至八十四歲卒

學士黃淮誌其墓

鄧韞志
參龔志

某人妻某氏龔立本云元末兵亂常熟某甲父母被掠甲以身
贖父母歸婦乃宦家子通文墨夫被殺時兵欲挾以爲妻婦

曰爾焚吾夫吾卽從汝兵焚其夫婦以寸釘畫瓦上云我夫我夫遭此無辜感汝大孝全其舅姑我爲汝妻其心如何乘此烈焰生死同途遂投火中兵急挽之已焦頭爛額矣并殺之曹鳴吉嘗云此事與清風嶺王節婦相同但恨失其姓氏耳

明

殷興益妻陸氏父德卿無子贅興益爲壻洪武間德卿夫婦相繼病死興益亦卒氏攜二孤托踈族鬻簪珥以營葬祭或勸改適以資二孤氏曰聞資其志矣未聞資其身也二孤稍長力營以養竟全其節

張洪傳

列女四

黃迪妻蘇妙真父子茂贅迪爲壻踰二年生子聰甫周歲而迪卒妙真時年二十二將殮之夕自縊尸傍家人馳救乃甦伏枕慟咽水漿不入口者三日服除里人聞其賢欲娶之引刀斷一指以示志終身不御華飾不預燕集勤苦紡績以自給壽七十二進士殷瓚有傳

夏恕妻鄭氏廉使金之妹恕河南人自刑部尙書出爲四川布政以事被戮鄭沒身爲指揮家婢主欲以爲妾不允至出金玉錦綺以誘之鄭曰此吾素所服御者固強之乃曰吾尙書夫人事不可苟必擇日行禮方可至期則截兩耳以貽之主驚啓蜀府命從其願遂爲尼以終身鄉人仕於蜀者多見之

鄧志參
龔志

金伯雍妻蔣氏及笄而歸生二子璫璞既而伯雍父子實謫廣
寧屯戍伯雍謂妻曰父行戍子安能居乎我從父於外汝養
姑於家無相念也時璫五齡璞始生氏綜餘業內不失姑之
養外有以供舅之乏舅與夫相繼歿氏年尙少矢節不移壽

逾七十
龔志

李景中妻徐氏名秀安字貞靜景中以知歷被徵未任卒氏時
年二十六子寅甫七歲紡績以供朝夕事姑朱克盡孝養寅
既長爲海寇蘇將軍所害氏年既衰家益貧再撫孫承宗輩
亦底成立年九十三正統丁卯有司以其事聞於朝部文沉

閣未及旌而沒初氏扶夫柩葬山中手植一檜旣而與合兆
檜本裂而雙枝並秀先達瞿俊見而感歎爲作李節婦傳隆
慶中知府蔡國熙表其門立祠以祀

龔志參
錢志

陸茂妻錢氏縣之劍城農家女有婦道茂病癆瘵錢勤苦紡績
以資藥餌一日茂謂錢曰我病殆不起汝年少無子且貧無
依可改適無以我爲也錢泣告曰一女無字二夫者君其勿
憂先是父母因茂貧病已有異議錢默喻其意卽謝絕不歸
至歲餘茂病彌篤家貧益甚不得已乃歸告父乞升斗負還
而茂已卒哭之慟具甌飯孟羹祭畢縊死尸傍宣德十年三
月六日也

以上本
季篴傳

弘治戊午知縣楊子器建顯微祠春秋二

祭

某烈婦弘治辛亥歲大饑有夫鬻婦於貨糖者得錢三十七文一飽而去婦行數十步過一小橋大呼厥夫遂投入水錢仁

夫有傳姓氏不詳稱曰三十七文烈婦

管一德志

劉士達妻張妙慶伯川之女年十九適劉越九月夫戍楚雄衛卒於戍所父母謂曰汝少無子而遭此變奈何妙慶曰夫死遠方不得殮殯已爲天下之罪人矣况敢有他志乎守節至八十五歲卒

龔志

程廷珮妻吳氏居崇德里年二十一廷珮卒遺子甫五月織紵以營葬事服闋舅慮其年少僞稱許某以探其志氏曰一女

而嫁兩夫狗彘之行也況上有舅姑下有嬰孺何忍棄去耶

遂引刀斷其左手四指

龔志

桑瓊繼妻程蘭字妙香儒學里人父明成京師蘭生三歲而孤時瓊以舉人選入內廷書武臣誥命適元配丁卒遂繼娶焉歸一年生子克孝未幾瓊病泄歲餘蘭奉事不怠瓊既卒蘭祖洪欲令改志乃先以柩南歸蘭哀痛幾絕一日媒來洪命蘭易妝接之蘭以白布裹頭泣臥不出洪怒閉之一室蘭擗踊歐血三日不食而卒時年二十六克孝九歲抱骨歸與瓊合葬餘姚余中立傳

龔錢二志合纂

朱珙妻張氏士人張仲廣女年十八而孀孝奉舅姑人無間言

兄憐其幼寡將令改嫁龔姓者誘歸要諸途氏聞計駭然適
遇隣舟因挾老嫗匿其中得返於朱引針刺傷右目以示志
龔誣訟於縣知縣唐禮廉得其實懲龔之強嘉張之節欲以
上聞因年未及而止

鄧龔二
志合纂

王永妻張氏年二十五夫亡無子舅姑欲嫁之氏掩戶自經家
人救止遂剪髮斷指自誓至八十四歲

鄧
志

高通妻鄧妙春年二十二夫亡遺腹五月生子鼎妙春紡績爲
生先是遇姑病妙春割股以進病尋瘥鄉人稱其節孝至八
十三卒鼎中成化辛卯鄉試官歸州知州亦以孝友聞

鄧龔
二志

合纂

某人

龔姚二志
俱作李祐

妻盧氏如臯人夫避役來居縣之白茆市授徒

以給盧與女並有姿色有蘇松兵備道役張島見而悅之島
時幸於本官藉勢兇暴羣黨相倚爲害一方島欲以盧爲妾
以女與其黨乃誣夫於道捕鍛酷刑使承爲盜李某以夫無
贓獄未具島遂沉其夫於海中盧聞之抽刀向女痛哭曰奈
何女曰有死而已引頸受刃女死盧亦自刎島倉皇焚二尸
埋骨後圃嘉靖十七年巡按陳蕙廉得其實按治島及其黨
如律聞於朝詔建二烈祠知縣羅鴻董其役春秋予祭武進

唐順之有記

錢志

余孝光二烈傳二烈者如臯盧氏與其女也並以烈死常熟
白茆鄧穀已入邑志武進唐順之爲祠記顧二烈事甚秘歲

久始發二公俱失烈婦之夫姓氏而序事亦稍失實萬歷丁未余館茆上有父老目其事者爲余言曰烈婦夫李祐如臯間師也歲祲避役糊口四方家蒼頭故虞產遂來虞居金涇酒洽其隣而不及周進貴貴銜之海豪張島怙寵李兵憲爲耆民橫海上而責卽其義兒貴覲祐妻艷曝衣庭中多紈綺說島曰里中有客盜自如臯來者多藏且婦女艷島喜與爪牙周洋謀統衆捕之籍其家人悉就縛至白茆洋別室掠治寃號聲徹天錮烈婦女於洋之寢令洋諷曰而夫生死懸吾黨手而順吾黨力能生之否卽旦暮死獄耳而母女安逃烈婦泣私與女計曰父烈士詎以我姿賈禍我孱婦安能抗羣兇莫若早自裁以謝而父亦釋矣女然之盧於是如廁過庖竊庖刀還錮所夜守者睡命女自刃喉聲若鋸驚守者盧紿曰鼾睡聲耳頃亦自刃體戰震地守者躍起燭之兩尸枕血中潛報島洋祕不令祐知亟昇二路襍松香黃椒焚叢篁中仍械祐過婁解兵憲以無賊弗受島洋計曰燼其妻女而縱之此自遺禍何如并沉之江以杜禍萌遂繫投之江而蒼頭得逸去後烈婦之父老儒渡江訪女無從踪跡痛哭而去嗚呼灰二烈於倒懸李祐之時祐雖存而無從覺其故沈李祐於糜爛二烈之後人其憤而莫敢發其姦久之島懸馬伽民於金涇橋毒笞之馬願捐生報萬戶怨條島諸不法事

列女四

走京口。顓直指陳蕙而失二烈事。陳陽拒而陰誦之。具得實符馬所條下車。卽命有司縛島。陳曰：擢汝髮不足數。汝罪盍自服。時若有促島者，首服謀二烈事。陳駭曰：天遣自暴也。遂正島以法。追二烈遺骨，將別封樹，弗獲而發難之。周進貴已先疫死，周洋獨漏網。三年，洋復橫，民有發前事於孟令。顏者令曰：吾秀才時卽聞如臯二烈欲食豕肉而寢，其皮不虞餘黨僭未殲也。立置之法，先是御史聞之，世廟詔有司立二烈祠。春秋以少牢祀，而馮令汝弼輓以詩：有身違魚腹，綱常在節。顯島臺日月，懸之句至今。傳頌云：○按龔立本作二烈祠。考大指與余傳畧同。惟二烈旣死之後，祐還過洋所從隔窗，論妻善事後，夫不知其已死也。三語爲余傳所無。卽此觀之，二烈之死在祐死前明矣。乃諸志皆仍鄧志舊文，錢志別載余傳於集文內，亦以年代旣遠，傳聞異辭，未敢專主一說也。今故兩存之，互見祠廟。

孫元一妻繆氏年二十五而寡，二子樓五歲，梓纔數月，氏每哭

輒絕舅姑，勉以立孤大義，乃少輟哀教。二子甚嚴，不令交匪類。樓嘗與客弈，亟索棋局投井中，跪謝乃已。及樓舉於鄉，才

名蔚起又戒曰名者上帝所忌願毋驚名僉都御史陳察聞其賢登堂稽首令門者致辭曰有嫠如此里閭之光敢不再拜氏亦從北堂稽首命二子致辭曰未亡人惴惴集木不虞大君子之貺臨也郡縣有司表其門卒年八十七

黃孝女者欽妹也適周夫亡復歸母家母衛病欽曰吾聞人肉可愈疾盍刲股以進乎孝女曰兄家督又羸甚不可死於孝此吾事也兄妹爭久之乃以利刃置所祠神祝之曰神許我刃當動乃躍而墮孝女前遂割其乳欽亦割股肉以進母尋愈兄妹皆無恙欽四世孫時雨仕至叅政

楊氏生員簡之女遭倭亂自投水倭去簡挾之水濱已稍甦倭

復至竟赴水死

蕭氏生員仕之女寇逼之女給曰所怖者利刃去刃可從寇信之方釋刀女卽取自刎

陳某妻桑氏遇寇攜十歲女投水死三日出之面如生

徐傲妻朱氏孀居值倭亂攜子敬德女招細及妾楊氏婢閨秀往唐市母家倭猝至失敬德所在朱顧女曰我嫠婦汝處子不幸罹此惟有死耳遂同女沈澤中妾婢隨之後敬德覓至死所命漁舉網忽四鯉躍起隨得四屍朱與女猶相抱如生巡按周如斗旌其門

錢氏封刑部主事體仁之女嘗割臂肉救大母趙病值倭亂體

仁匿女農家倭躡其旁女恐污及因投水家人挽出無何以臂創潰卒

金孝細訥之女母包妊五月而訥卒遺腹生女故名孝細生十七年母忽改嫁蔣某孝細嘆曰十七年冰嬸一朝委地從母不若從父遂衣麻雉經父靈几前其後往往示夢於家人頗驗參政陳禹謨有傳

王某妻張氏秀敏有姿年三十夫病死家貧長夏朝夕粥一盂隆冬常并日一食會大風屋茅飛盡恐雨侵夫棺之母家乞得稻秸數束母憐之以微言諷氏拊膺曰奈何母以貧故謂女有他心哉越旬日以苧線易隣婦百錢市雞豚楮燭奠夫